

德清縣誌卷之九

藝文志

雜文

婺月泉疏

宋呂祖謙

斷崖吐月纔出半規古婺涵星尚懷全璧久矣寶奩
之廢時哉玉斧之修護此寒清被其氛翳名高詩社
再傳和仲之符價重帝城復置文饒之遞

與沈雲楨書

劉宋沈約

獨往之業雖聞前載高塵逸軌罕或共時未嘗不拊

德清縣誌

卷九

藝文志

一

衷興懷望古遐矚尊賢拔俗遙然沉冥自遠幽貞之
操義高篆策雖蔣詡不窺城市鄭真名動京師何遠
之有名山旣鄉內所豐清川亦坐臥可對不出戶庭
而與禽鳥偕樂美哉約少不自涯早愛岩壑逐食推
遷未諧宿願冀幽期可托克全素履與尊弋釣泉臯
以慰閒暮則生平之心於此遂矣

與游提刑汶書

宋文天祥

某以良月之望舉棹東下江空見底乃章貢源頭諸
水怒長未幾光欲五朶與空同雲俱來往帆順風航

波瀾之澎湃洒石鍾之清越寵靈張皇迄抵雙溪子
月丙寅俯祗賤役瓣香西望敬謝所蒙明公卷其卜
二峰之神氣軒軒磊磊照耀東南以宰相才學宰相
事天下久望其爲家穉出色轡絲周道肯復倭遲惠
露灑灑江之民幸矣如溥寰何會有溫綸四輩馳下
某不善爲斲得郡復枵至之日視官官靡視吏吏荒
民氣憤憤如也爬剔棼絲顧氣力所至終覺五技易
窮肘後神奇不敢以望之他人惟故山松菊衣被綵
雲亦已過數矧茲隴蜀徼惠未涯疇昔不及此相望

德清縣誌

卷九

藝文志

二

二千里外明月此心懇懇側磴挂一漏萬惟春陽將
動緜綠光華式金式玉以副前禱

付男軫家書

明王 升

自舊年十月初二日南潯別後至今年凡四得書鎮
江高郵寧陵鄭州者餘一書不知寄何人必浮沉矣
三月十一日汝兄會朶至剛於德清書中簡略不知
從者及同遊俱無恙否且言歲終可至任所不知果
然乎本家德清之役已辦兩圖黃冊里長及歸安各
處甲首皆不擾而辦里長不赴京倉此甚良法也正

擬安靖幾時十二月間本縣又定克新市巡檢司弓
兵分管十二都但備辦什物勾捉軍人至今不得寧
息所費亦不少也家中上下俱無事倘欲挈家須在
彼稍安詳度可否然後來取恐川途迢遞或遷轉不
常跋涉勞頓也我今稀年又一老景侵尋倘朝廷許
容侍親則上章求歸或得父子相見以盡餘年若宛
轉仕途則相見無日矣人說有分俸之例不審有否
如得分祿以養亦足爲榮若彼處關支則不必也凡
事須清心潔己以廉自守食貧處儉儒者之常慎勿

德清縣誌

卷九

藝文志

三

以富貴爲念古人云貧乏不能存此是好消息正當
以此言爲受用也治民以仁慈爲心報國以忠勤爲
本處已當以謙敬學業必須努力暇日卽以性理諸
書及羣經玩索自然所思無邪更須熟讀新律自然
守法不惑飲酒當以康節先生爲範不可縱恣忠定
之事律許則行之否則不可干其紀也此後倘有餘
俸可買附子一二枚川椒一二觔起稅而來餘物非
所覬也臨川奴世生俱無疾但諸子未出痘疹爲憂
耳浙西米價極廉白者十文一升可見太平之時也

西安雖有來者而往者絕不可得汝之外舅向嘗寄書與塾屋俞主簿祇候去若達必能道吾家之平安矣煥章二親俱康健希聲於十月望後逝世餘外諸親皆安就令知之路遠作書不能詳盡

祭織簾先生文

方日乾

嗚呼舉世之所致豐者身而先生之所獨豐者名蓋身歿於賤貧賢者不以爲病名揭於天壤君子則以爲榮嗟哉先生之生世也蓋頭歲緝乎茆茨糊口日營乎斗升黔婁布被窘夜長之伸足季路緼袍僅歲

德清縣誌

卷九

藝文志

四

晚之蔽形刃傷手而輒悲簾躬織而弗停夫織履自食旣不爲仲子之矯廉而鬻餅自給乃竊附趙岐之謀生然而硯田則窮研乎百家腹笥則撐柱乎六經聚徒成市幾於西河之子夏而婢女知學奚讓夫漢世之康成晴雲在川書草盈庭光風動簾霽月入扃東臯舒嘯游心萬物之表雲林散髮掉頭江左之徵口誦接五夜之鳴雞手書夸晚年之細蠅布三幅以覆屍水一盆而奠楹此其於達生順死之際庶幾乎易簣之與結纓高山易頽巨搆易傾慨千古之無人

曷九原之可興日乾恭領左符來牧山城爰考德而問俗亦舉逸而表貞識先生姓字於塵埃之編吊先生衣冠於草莽之塋覩荒祠之久廢感秋露之易零元峰之巔書院是營繫壤土之燥剛仍山水之有情作主宅神椎珉勒銘溪毛在俎蓋配德於食薇之彝齊而松花一盞誠邁往乎漉菊之屈平後生思人百其身斯文期千載作程嗚呼羗山青青龜溪澄澄惟高名之永存偕溪山而並青蓋嘗徘徊於遺墟之間見夫天高木落向千巖之秋氣春深雷動殷百谷之

德清縣誌

卷九

藝文志

五

泉鳴顧生氣之在世間將何者而非其風聲然則先生之所豐者不獨曰名而已豈非所謂天地之浩然而儲爲山川之精英者耶

漸社序

譚元禮

楚人有適越者越之士愛其賞奇弄筆如閒儔又喜其不執一說繩束筆墨爭投以文字始削筒拾之筒滿旣開篋藏之篋滿卒乃散堆架上楚人不忍焚復不能盡囊以去掠膚吸氣洗髓瀝汁聊用配越絕書一種昔呂伯恭與淞士講舉業不輟朱子書相規伯

恭答書以爲若不開此一路則法堂前草深一丈前輩用心如此誦之欽仰而已漸社者十五國各繫以風始自餘不而及西淞將由淞漸暨海內蓋越之士適有茲請楚人湧諾而題之爾踐是諾何日哉

居官十六要

示孫元棐令德清

侯邦寧

敬上官 愛百姓 慎出入 要節勞 勿輕信
勿過疑 明錢糧 察蒙蔽 御下寬嚴有體 事
來必當三思 後悔不如慎始 求人不如省費
官錢不可那移 親朋難與 教子讀書 節儉自

德清縣誌

卷九

藝文志

六

持

德清農田水利議

陳元堡

清邑地瘠而田庫惡水旱之患視他邑常劇雖俗務農桑而家鮮畜藏民無百金之資以上田而遇豐歲輸課之外所餘無幾中下所獲畝不過二三斗不當漕條正耗之半至於石田不墾數十年不見子粒者以通邑計之且十之三四矣故士庶有占田數頃而妻子凍餒身被羈縲者紛紛也民間視南畝如仇讐士大夫至出價轉鬻得一擔荷者如釋重負農人半

弃耒耜而徙業夫農桑衣食之本今反以爲饑寒之門豈不亦重可痛哉原其所以致此者則有由矣以地勢言之清非不足於水也亦非水之能爲害也餘不流自天目迤邐而東則有大海蠡山澈山苧溪洛舍湖墩西葑韶村諸漾浦港交橫相錯如繡灌溉之利沛然有餘其下流以震澤爲歸墟亦不憂於泛濫但無水門斗插之設隨時蓄洩加以田功不修塍岸低窄范成大所云坎坷斷裂人行如蹲羊伏兔者在在皆然也故瀕河田疇一遇霑霖內外如一農人努

德清縣誌

卷九

藝文志

七

力築土衛塍幸而不沒相去僅分寸如以杯盂盛水一觸輒覆矣其田高而去水遠者遇旱乾則轉水於數仞之外近者太湖堤漵斗插啟閉不時每遇東北風湖水暴漲上流皆被其災或積雨數日山水迸發而湖流又逆行而上無以洩之而加盈焉此水患之所以尤甚也至於民有田連阡陌者不能自耕而召客佃其佃人無輸糧之責不以田功爲念耘耨之事漫不加力雖豐歲而所收常薄一遇旱潦遂置不復救且習見商賈居奇坐獲倍稱之利未技閒民亦得

以全其俯仰而農夫終歲勤動不免饑寒縲絏之苦
於是多弃南畝而不問矣夫游民衆而曠土多則國
賦何自而出民生何自而安奈何其不爲之所哉今
欲治之則亦於農事加之意而已田之高者常苦旱
卑者常苦水故高者在於疏濬港瀆以資溉灌卑者
在於高大圩圍以防泛濫凡濱河之田當冬春時農
功未興令各塘圩長督民增築堤塍使高六七尺廣
八九尺以固其基其去水遠者令開濬浜汊以通水
脉或復舊跡或開新溝凡足以溉田者不妨聽民自

德清縣誌

卷九

藝文志

八

便高平疾泄之地間設斗門板閘相盈涸以爲節宣
涸則閉以畱之盈則啟以瀉之如是則蓄洩有具而
水旱無憂矣今築塘之政已見施行但恐奉行不力
徒爲具文所望良司牧於簿書暇時一巡行阡陌勘
驗畝畝有不如令者塘長圩長與佃人皆撻責之而
又申游食之禁嚴抑末之條使逐技末作之民轉緣
南畝勞來寬恤惟於力田者加惠焉則民自力而勸
於農桑矣

題詠

送李十一尉臨溪

唐常建

冷冷花下琴君唱，渡江吟天際。一帆影預懸，離別心
以言神仙尉。因致瑤華音，迴軫撫商調。越溪澄碧林
棹返雪溪雲，仍叅舊使君。州傳多古跡，縣記是新文。
水柵橫舟閉，湖田立木分。但如詩思苦，爲政卽超群。

送德清喻明府

李頻

題越山寺

宋劉景文

龜溪有路蓮花引，鳥嶺無時雲霧生。聊放此身畱舴
艚，不逢人處聽泉聲。

德清縣誌

卷九

藝文志

九

題八勝寺

陳堯佐

八勝當時不易聞，今朝停棹宛然存。兩行翠竹欹僧
檻，一派清波遶寺門。禪寂豈分天外月，講鍾時度水
邊村。幽懷至此忘歸計，不覺躊躇日已昏。

慈相寺半月泉

蘇軾

請得一日假來遊，半月泉何人施大手。擘破水中天

德清道中還寄子瞻

秦觀

叢薄開羅帳，淪漪寫鏡屏。疎籬窺窈窕，支港泛苓箬。

題覺海寺

黃庭堅

鑪煙鬱鬱水沈犀木遶禪床竹遶溪一段秋蟬思高
柳夕陽元在竹陰西

題澄虛亭

在宋務
稅之右

徐良佐

一溪水浸群峰綠瀲灩長湖澄數曲波光如練暎危
亭倚檻最宜凝遠目亭前日日舟人行千里萬里風
帆輕長汀回首望不盡際天氣象何其清隔溪南下
乾元路古松峭拔藏禪宇餘不祠前千尺潭昔有靈
龜曾左顧時遷歲改名獨存德清從此民俗淳山奇
水秀冠南國是處疑有桃花源過橋稍轉十餘步家

德清縣誌

卷九

藝文志

十

家相向開朱戶大都川澤氣多寒時時猛點菰蒲雨
晚來忽霽涼意新一片兩片歸巖雲惆悵王維不在
世把筆欲畫今無人老夫歌詩久不作對此吟情豈
宜薄簡書推去試新吟眼前好景難道着城中美酒
斗十千浦口魚肥賣得錢夜深却羨漁翁樂醉抱溪
心明月眠

題餘不溪

周 侗

山勢迢迢挽不回餘不水暎兩山來巨靈有意分南
北故把山峰手擘開

遊慈相歌

王淮

我遊吳興二十載足跡不到餘不溪飽聞慈相古名
刹境界不比他招提今年七月天氣好買舟南下菁
山道黃昏纔到寺門前月黑雲深路難曉樵夫指我
入松間暗轉蒼苔登幾彎野橋東畔見燈影急呼穉
子開蘿關元師見我歡意足邀我歸房解衣浴焚香
啜罷趙州茶帳捲梅花眠石屋明朝相見月菴師同
看靈泉閣下碑品題石上半輪月壁間總是前朝詩
青山四面圍殿閣東院西堂架岩壑觀心堂上坐譚

德清縣誌

卷九

藝文志

十一

經無數天花眼前落北窓勝集何處求子瞻七客曾
同遊東萊書院掩清晝疎竹小窓煙雨愁披雲閣上
雲歸席拱眺樓頭覽秋色烏聲簾外巧如人解唱清
歌勸遊客相携同步邑城中落葉處處皆秋風今朝
長揖下山去百里煙波送短蓬金鰲玉塵皆回首看
我飛帆度衰柳他年我若過龜溪還向山中問安否

送僧遊龜溪寄聲敝廬

劉一止

師今過龜溪山水無盡綠石壁巖寶坊泉耳宜杞菊
並山行徑微草露澤人足師訪仙人家門前有修竹

題舞翠亭

張 祈

浩蕩秋光裡扁舟過德清樓臺占山影鵝鴨亂溪聲
小飲經年別高歌一邑驚娟娟照人月還憶謝宣城

題寶覺寺

韓元吉

澤國富煙波曠達無丘陵茲地驚見晚蒼崑正峻嶒
翠篠森野蔓喬松掛古藤剗山出古殿暎水明青燈
蠟屐從吾侶應門走殘僧旅懷百憂煎得酒如飲冰
誰能插羽翰去作孤飛鷹徘徊候佳月晚風涼可乘
雲間幾丈塔闌檻思一凭會看雨徑乾來登最高層

德清縣誌

卷九

藝文志

十二

宿新市

楊萬里

春光都在柳梢頭揀得長條插酒樓便作家家寒食
看村歌社舞更風流

遊覺海寺

張敏叔

仙潭覺海唐興善像設瑰奇古至今殿柱倒書雷部
火市橋橫渡水觀音檻前竹影搖金碎池面荷香散
綠沉沉是彌陀新建閣動人多少往生心

南園歌

有序

汪夢斗

吳家園在新市狀元橋南吳履齋僑居時
所築也予作此歌蓋傷公之無救於亡國

云

寂寞南園今如此主人一斥循州外南園如此未足
悲宗周隨歌黍離離丞相當年坐黃閣正是北兵渡
荆鄂不知宣闥有何功却以鈞軸遜狡童丞相身謀
固已失坐此謀失亡人國梅花嶺外羈菟哀薊門降
王亦再來南園池館不似舊百華憔悴竹樹瘦不堪
回首望錢塘宮闕傾頽禁苑荒鄙人姦人如王蔡又
無惠卿才可愛丞相有見非不長而乃升之中書堂
我行南園淚雨下不免寒心怒欲罵不特要寫平泉

德清縣誌

卷九

藝文志

十三

詩更復要草連宮詞嗚呼吳丞相手提雙筆巖廊上
藝皇有訓垂日星非讀書人毋用相博飲好色不肖
子可以公輔作邊賞履翁之計若出此老骨不歿椒
花瘴西湖一碧無片塵南園花草百年春

石人頭

溪東
戴巷

元沈瀛

檢點行程歲歲同石人頭畔且從容向來奉口溪邊
月此夕乾元寺裏鐘

德清閑居

趙孟頫

已無新夢到清都空有高情學隱居貧尚典衣貪購

畫病思焚硯厭求書園人列積夜防虎溪女叩門朝
賣魚困卽枕書饑卽飯謀生自笑一何疎

德清別業作

春情浩無端野興欣有矚山光艷桃李澗影寫松竹
古來巖穴士白駒在空谷幽鳥何處來啼破林煙綠

懷德清別業

楊林堂下百株梅傲雪凌寒次第開枝上山禽曉啁
晰定應喚我早歸來

耦耕圖

陳 玖

德清縣誌

卷九

藝文志

十四

避世何須復避人驅牛耕破綠蕪春滔滔天下煙波
在溪上相逢莫問津

送德清主簿吳浩然

楊維楨

霜風獵獵動吟袍從事方辭汗馬勞羞用薦書憑狗
監聊從簿領試牛刀戶鄉聚邑塵囂少醉眼溪山意
氣豪往見候仙亭下路官曹喜復近仙曹

吊邵節婦

王 逢

黃金無畱鑿白璧難混瑕坤裳義安貞適然暗塵沙
寧歔嗚咽水不望菖蒲花感君固存妾妾命薄如葉

此心許所天羅帶千秋合君殊野鴛鴦妾非鬼蝴蝶
清風何搖搖吹彼溪上苔水光浮蒨珮空怨紫瓊簫
至今一杯土民自戒芻樵

餘不溪詠

倪瓚

開元館在餘不溪濱距溪無百步上清王

真人

名壽
衍

所居溪流冬夏盈演玉光澄映

與他水特異故爲名焉庚午歲春因市藥
過浙江趣便道將歸梅里俯斯水而悅之
泝流間咏盥濯平津顧瞻壇宇近在東麓

德清縣志

卷九

藝文志

十五

遂舍舟造其下真人爲出酒脯燕嘯岩洞
竟日乃返悠悠徂歲忽已十有七寒暑矣
余旣爲農畝畝身依稼穡復邇政繁奔走
州里欲爲昔游其可得乎鍊師超然物表
閒情彝朗周覽宇內將還元館開元館後
至元間賜
元額開
宮余因彷彿曠昔之所覩追賦短章以
饒斯別若夫超踪溷濁逍遙元邁蓋深志
於是矣鑿而詠言能無動悲慨乎

餘不溪水綠生蕢放舟演漾當青春舟隨鶴影忽行

遠洞口桃花飛接人雲松蔽虧煙蘿席儼在溪東之
石壁羽人垂衣坐鼓簧饋我晨飡芝菌香從茲更發
洞庭渚濯足咸池臨故鄉餘不溪水涵綠蕒微風吹
波蹙龍鱗看山蕩槳不知遠花間白鹿來迎人溪迴
路轉松風急竹林華房霞氣濕忽逢道士頎而長疑
是韓國張子房相期飄拂紫煙裏下攬滄溟浮玉觴

過新市

明劉仲景

澤國魚鹽一萬家從來人物盛繁華青衫雲鬢能搖
櫓白苧冰肌解踏車比屋倚河開市肆疏苗盈野間

德清縣誌

卷九

藝文志

十六

桑蔴吳歛一曲隨風度蕩漾湖光暎晚霞

春遊桃源洞

趙 迪

鳥聲喚起日初高嘯入林泉興倍饒散誕綠煙迷徑
柳繽紛紅雨落巖桃苔侵丞相圍碁石竹老將軍引
鳳簫正擬合簪同吊古不堪歸騎已蕭蕭

半月泉

朱 袞

雅意在山水雨歇眺城陰雲衲望旌旆鳴鐘下遙岑
道我出煙磴引我出泉林老蟾不全遁古壁常半沉
瑩然見內外亦得觀我心東萊去已遠巖扃月華侵

欽哉古人學肆力求高深玉磁吸灑氣穹崖豁塵襟
乃知一掬靈散作千萬潄冲然領會處知者尚幽尋
松風振寒谷崩濤發龍吟歸歟誰知者聽我紫瑤琴

登白寮山

張羽

湖鄉風景三秋後佛界軒亭四望開碧水翻從城裏
過青山直到縣門來魚商酒市晴偏集釣艇蓮舟晚
共回自古登高能作賦坐中誰是昔賢才

遊覺海寺

沈清

路入諸天一徑幽乘閒來看雪峰毬白雲護鉢蛟龍

德清縣誌

卷九

藝文志

十七

夜老樹吟風鸛雀秋謾道碧紗爲世重獨無玉帶與
僧畱何當日日尋休暇得看空堂石點頭

墨布袍

陳霆

墨布袍粗且黑心中事背上墨宋時遺黎元版籍夙
不在閩廣生苟依木石安能易彼章與黻俛首躬身
福州伯皇天鑒區區寒暑晴雨在我寧暫釋直教了
辦葢棺事覆我首領纏我骨君不見岳侯背蓋忠大
字衛社稷又不見王彥軍八字雕青殺金賊吁嗟宋
德感忠義此袍此意則一律嗚呼袍敝再紉兮墨透

不再滌腰金多少江南客風塵涅衣洗不白回首翻
嫌布袍跡

銀簪詞

爹娘養我身從小不出戶銀簪雖掠髮荆釵未成婦
蘆港浚浚孰來此亂片紅巾照溪水無門別逃避有
計浚拜跪奴願從將軍奴尚真處子辰良日吉禮所
重野合私從世應鄙巾不疑身免辱愛生者衆愛死
獨銀簪不刺股銀簪不錐目咽喉三寸氣出入了斷
此氣消一戮磨笄山在何處冤血鮮紅古今侶君不
德清縣誌

卷九

藝文志

十八

見元運哀海宇析人男子官柱國抱持馬足慌拜賊
頭上朝簪長一尺

潭水清

儂本村田居無城又無郭賊多孰備禦賊少亦驅掠
阿爹到新市說有官軍駐官軍快殺賊賊懼當不至
提携冒行露忍死事遷寓一朝賊四合兵將却先避
東隣金帛盡西舍娥娘去獨存儂身走無所道旁空
屋爹教躲兔面始藏伏猿臂已持把驅至岸拉上船
回思死清水勝活污瀆間仙人潭浚幾許一生事一

口水身本潔安用洗死留名德豈孤邵節婦沈回奴

元峯觀咏

飛聲夜作秋雨鳴瀨影曉看冰壺清鑒人毛髮淨可

數漱我齒頰寒欲驚我昔都梁弭行節醉酌玻璃讀

殘碣道人試爲出大瓢待看如前吸蒼月

石壺泉冽

虹稍一片白雲收鷗邊萬頃蒼波流京塵不障簑笠

夢海月獨釣溪山秋東歸便作黃冠客一曲還同鑑

湖碧請君抖擻脚底泥陪我滄浪弄長笛

夏漾流清

夕陽半斂山翠收野雲歸宿茅簷頭書龕潤逼不成

德清縣誌

卷九

藝文志

十九

雨卧榻温護誰知秋屏間爽氣朝還暮坐對西山頰

頻拄長松全暝苔徑迷雙鶴飛尋舊巢路

西閣雲橫

青山落日今古情荒祠千載留高名朝哦久絕瘴猿

哭夜織還假寒蛩鳴雲林散髮呼不起剩有清風激

頽靡荆榛滿眼時獨過一盞松花薦溪水

織簾祠古

覺覺堂

侍郎

許孚遠

邑人

玉塵何年開梵宇龜溪此口集儒冠坐臨巖樹春風

滿人立橋門夜月寒白髮寸陰憐逝水青雲萬里靚

飛翰古來賢聖繇師友莫作尋常聚會看

半月泉

邵圭潔

德清
教諭

寶地開靈液清甘入釀偏自憐官似水復想酒如泉
携取山源潤分來月影娟他鄉况多感仗爾一頽然

登吳羗山與連使君唱和

謝肇浙

吳羗已去留眞蹟謝公亦有登山屐千村落日炊煙
青一片孤峯秋溪白峯頭石篆每莓苔雲裏老僧不
識客欲將簪紱付滄洲自與烟霞成痼疾

乾元山絕頂觀德清山贈

箕南

蔡汝楠

侍郎
邑人

故鄉勝地原相引况屬春來物候殊嶺上孤雲浮碧

德清縣誌

卷九

藝文志

二十

樹沙邊過雨洗新蕪看山稠疊環西郭問水迢遙入
具區千載縣名那可稱知君雅意託冰壺

登游相假山

胡璣

恠哉有山起復伏勢如游龍之蜿蜒曲上有槎牙三两
峯亭亭壁立摩蒼穹懸崖老樹生古恠石洞雲潑氣
清快猛虎張牙嘯溪風醉猿舞手扳青松我訝此景
是玄圃清香流出春花塢又疑此藉五丁通大蛇力
絕難爲功誰知此山屬宋相鮮脫朝衣卧烟障我輩
登臨發長歌酒酣醉湧春風和游公今已爲塵上芳

草萋萋丞相府臨風懷古澆一卮公兮泉下知不知

半月泉

邑侯

方日乾

福建人

大瓢酌靈泉醉讀壁間字揮手謝吏人吾方有公事

元峯觀石壺泉

夜聲泠泠響蒼玦曉影澄澄湛蒼月僧庵虎跑不足

異神劍多年指靈穴道人接脉剗竹椽使君來賦石

壺篇清宵淪茗特相品知是山中第二泉

拜織簾先生祠堂

第一溪山裡先生半畝宮石泉餘古色松韻想高風

德清縣誌

卷九

藝文志

二十一

鍾鼎名安在山林道未窮織簾良獨苦相慰有鳴虫

偕客游慈相寺

長松出膏沐疊嶂過新雨登携帶微醉斟泉漱牙齒

留題石壁雲照影野橋水歸輿未妨晚東嶺月纔起

山居

齊眉山

納言

章嘉禎

邑人

爲愛清溪不掩關小簷梅雨晝潺潺晚來雨歇松風

起一道寒泉過碧山

草閣新晴迥薄開水田漠漠鷺飛迴攤書長日無人

到漁子鳴榔一棹來

屋後篔簹一嶺橫門前千頃浪花平

余家枕齊眉山東南爲范蠡祠

持竿明月楓林坐露下荷香蓮子生

隣舍二蠶眠已齊子規聲斷鴉初啼桑陰十畝閒來

往阿對澆瓜日已西

半月泉

蔡見龍 邑人

幽泉穿曲磳峭壁敞飛軒翠擁峯千色寒侵月半痕

清冷翻玉液素影斲雲根何必探竒勝由來可避喧

寶慶寺

陝西巡撫 蔡官治 邑人

蕭條愁極目杖履幸隨踪覓徑穿危磴攀蘿上逸峯

德清縣誌

卷九

藝文志

二十二

夕陽寒橘柚秋水散芙蓉山帶孤城迥溪迴遠岸重

黃花青草合紅葉白雲封古寺餘蒼蘚前巖寄老松

漫看初地衲遙識故時宮落日牛羊下浚林麋鹿從

烟荒時靄靄泉咽自淙淙行喜邀新月歸途出曉鐘

贈徐元歎

邑令 譚元禮 湖廣人

君爲泉來爲我來察君神色幾徘徊談浚燭跋重重

見恰有殘光夜半開

和譚梁生重過半月泉見簡四絕句

真是愛泉好非因蘇子過綠陰兼素魄湊就一泓多

偕客臨泉少孤光獨步宜幽人節未響翻作共遊時
形似是神似冰凝一縷魂娟娟相屬處幽寂不堪論
玄徑多泉意何須坐檻看好從霜月裏平酌此中寒

清溪夜遊

寓賢
陳子龍 江南人

春星歷歷露華流遠樹蒼蒼烟霧收棹發清溪驚宿

鴈正逢明月下河洲

中女歎

送貞女歸蔡作

沈

陶

邑庠生

中女再索二八竒天資婉淑志節持客春紅定鶯花
見待嫁清溪坦腹兒事變參差妾薄命黑風吹折合

德清縣誌

卷九

藝文志

二十三

歡枝未及結褵聊解說矢言永訖堅不移阿母恩深
但姑息翁因年小露微疑爾所謂可佯獨否卽損一
飯情苦悲衆所謂非佯獨是卽加一飯容舒遲誰能
鬱鬱望以活俛首低眉臆蒼之大人旣已亡一婿重
失一女悔何追盡室相看淚棲睫襄徊許報舅姑知
松筠那復化蕭艾燈魂慘切月窺帷膏沐從茲不復
理迺兄喜誦柏舟詩幽貞將令真宰泣迂濶恐勞流
俗唾百里行行半九十死心不在盖棺時諒爲女子
當如是鯁涕無聲割愛隨

哭貞女

貞女終於蔡室詩以哭之

進士

沈戩穀

邑人

慄慄幽窀得所歸不嫌蚤世掩朝暉拊牀幸有慈嫜
在臨穴欣瞻君子依一片冰壺映闕閱千秋蘭雪藹
庭闈相携含笑同宗婦
宗婦游十七守制二十二
年後十日歿清獻裔也愧
殺逋臣老布衣

覺海寺

舉人

胡襄

邑人

絕境敞龍宮秋澗四望通天高容疾隼風急刷飛鴻
萬井浮烟合千山落照中相看惟宿衲豎拂爲談空

東萊先生讀書巖

二首

行人

胡麟生

邑人

德清縣誌

卷九

藝文志

二十四

先生讀書處片石許誰分虎嘯前溪月僧歸古寺雲
泉香深裏得松落靜中聞夜夜山窻畔還疑燈火勤
寄跡荒山寺藜輝乙夜分泉清疑煮雪月朗見披雲

寺有披雲閣

客夢經春發鐘聲向曉聞千年著作在應不

惜辛勤

山樓坐雪

遙見北山雲黃塵起茅屋古道瀉哀湍亂雅啼枯木
翠籟寂林臯六花飛簌簌暝色蒲前村幽人在空谷
偃卧不知年甕頭春已熟望望子猷船剡溪烟一幅

呂成公書屋

進士 沈應旦 邑人

浩劫名藍燼書堂
薜荔妍榻依泉
半月人卧壑經年
伊洛源流細谿山
俎豆專中興有文
鑑誰與繼前賢

東墅古梅

禾中馮開之先生手植

廣平才思發選地
種梅花官與風流
歇盃緣世事賒
艱難逢雨雪安穩
傍桑麻何處添妝
額柴門小小家

祠織簾先生感賦

朱萬錡

曉風郊外冷然來
古道荒祠遠絕埃
一片野烟籠止
水千山秋色照幽
臺齊梁往事皆塵
土簾簿餘清只

德清縣誌

卷九

藝文志

二十五

蘚苔卽欲褰裳何
所及不知神在可
啣杯

題吳羗山

吳

綺

湖州知府

鳥道籃輿絕登臨
興益稠碧雲千里
暮紅樹萬家秋
烟遠纒看郭峯高
半隱樓獨憐孤嘯
處二客未能儔

時同澹心再馨二友

沈烈婦歌

邑令 馮

壯

保定人

沈門有婦徐家子
夫亡與亡誓嚙指
煢煢無嗣家何
依歸傍寡母支寒
扉八年鬼火留孀
節饑荒耐盡貞
冰雪旁人緩頰代
爲籌竒窮何若更
好速婦一驚聞

心痛折腸斷九泉深哽咽杜鵑血滴淚痕丹寒食蕭
蕭風雨殘一身自分從故主死向清流作砥柱貞魂
不逐狂浪飄偉哉氣節凌霄陌上誰家車馬簇紅
粧蘭芍空搖搖我來溪城尙風勵覲止烈操潛焉涕
種得河陽滿縣花何如松栢嚴霜厲爲問九井之潭
清若何我願餘不苔雪追清波

清署歸里示兒

封君
侯體巽 河南人

送我塘棲外汝歸於雪川倉皇催去路欵乃撥行船
分手惟今日聚歡在幾年官評須自勵清白本家傳

德清縣誌

卷九

藝文志

二十六

月泉歌

邑令
侯元棐 河南人

月泉之水寒且冽我欲飲之畏其潔濁吏可爲兮不
可爲對茲泠泠之泉而神懾

謁 聖日勉游泮諸子

吾道原千古掇芹亦偶然敢言宓子瑟爲念祖生鞭
萬里程序啓五雲色在懸清漸河下水莫使讓前賢
邑被重災奉 憲踏荒詩以閔之

痛哭郊原此日荒稻禾萎棄費徬徨老農刈去炊無
粒野婦春來淚幾行遙對山容猶似昨誰憐鵠面已

非常繪圖入 告惟元輔芻牧無才只自傷

贈修誌諸君

群賢畢集應星躔彩筆揮來大似椽往矣董狐光玉牒休哉班馬耀金編須知憂樂貞淫事詎作風雲月露篇 天子重文尤重史常留直道在千年

清明日登乾元山絕頂

萬竹青青竅上頭俯臨群壑一山幽忽來春色驚勞吏贏得雲鬢半日遊

春日登玉塵山頂遂過慈相

陳後方 邑人 貢士

德清縣誌

卷九 藝文志

二十七

春風艷艷屬桃李吹我出門興欲顛携屐招尋入山麓高低翠幙望平田轉境雲摩遠峰出東西蜒蜿走長川村郭蒼茫著眼移翕忽相引至其巔顧視卒愕已憚行直見古剝咫尺前縱身欲下忘斗絕蛇行數折仍遷延捫松倚壁遠不到促足臨眎如垂舷手僵蹠交倒坡下羨爾絕級紛相先命彼後車謂載之俄聞鈴鐸隱神仙蝸緣繚繞入僧舍呼僧與語問瓢泉中有童子初學偈老者譚經意便便指點歸徑出山下衆山旅退全驅遷爲說空林無虎豹一畦開處若

聞禪

和同人九日登蠡山韻上有衡陽先生舊題
尋舊唯應盡白頭歸來盤礴一床幽遙知爾我登高
屐共嘆東南落木秋問菊空山誰是主散金勝事等
浮鷗蕭條題額還能繼湖海閒身可並舟

清溪八景

狀元

蔡啓傳

邑人

郭外霜霏一徑間秋高寒影近潺湲風柯不定時驚
晝鰲背依然挾素鬢回溯溪光堪並炤遙連石壁盡
成斑涼颺莫惜吹雙鬢好日偏期數往還

金鰲秋月

德清縣誌

卷九

藝文志

二十八

嵯峨玉塵絕塵埃瑞日函空旭氣開忽見五雲生洞
壑還驚三素蒲樓臺松風繚繞乘天去芝澗氤氳出
岫來我欲題詩慚落照指揮誰似謝公才

玉塵晴雲

片月分移導我泉猶然不破水中天欲知天上吳剛
斧但咏人間秋水篇卓錫可思龍象法漱流猶待隱
淪緣遙憐桂子爲誰落斫却清光更自圓

月泉桂影

山城高土幾留芬避地還隨猿鶴羣白練晝懸千澗
水翠微朝鎖一峯雲時開巖壑飛花遠遍老藤蘿落
葉殷常似灌壇風雨過蟄龍霧豹此中分

菴山過雨

斜日松門石磴幽山農伐木正歸休幾因柯爛方求
奕豈爲薪多可負裘野老荷簑趨縣市兒童拾橡出
林丘到來真隱無人識臥對閒雲勝沃州

石壁歸樵

獨上羗山祇樹林高峰極目曠幽襟不知象教誰爲
立一聽鯨音已自淡籟寂忽分隨色相聞思無着見
禪心此中亦自多高隱避地何妨更擲金

乾元曉鍾

山色晞微向夕闡穿岩垂炤坐畱人千家雲樹空天
際萬井菰蒲映水澹檢點繩床花底夢伴移竹杖嶺
頭春眼前共似龜溪客暮影離離繪昔因

龜溪夕照

德清縣誌

卷九

藝文志

二十九

精藍獨出萬山中寺掩松門斷澗空梅在雪前香細
細雪隨梅落雨濛濛花飛艷奪王恭斲絮舞輕吹謝
女風幽意可憐消不得騎驢還逐小橋東

野橋梅雪

蠡山六詠

貢士

陳元堡

邑人

沉沉泉玄出神龍蟄其躬空飛逐流電博戲遨天公
崎嶇訪陳跡失脚蒼耳中鴟彝千金賈何減黔婁窮
清冷一泓水高樹秋玲瓏上有菖蒲花奕奕吹紫茸
世事鹿盧轉霸業埋遺踪樓下恨無井儼也古愚忠

陶朱古井

明月照錦帆至今接談笑側聞青谿游平山熊窈窕
忽憶越王臺却指邯鄲道芳躰何離離居然霞氣表
蕭颯梧宮秋有情痴繚遶空存畫橋名煙波收一棹
尤物戒色荒取畏水火蹈鳴咽臙脂泉悲歌魚在藻

西施畫橋

扁舟笠澤浮筮卦得嘉遯請從會稽罰君王賞神駿
逋客棲此山矯首抗天問功成身恐危臣蠡敢知進
使者騎何來孤霞飡一頓老驥謝嶮途翠嶺費紆軫
誰斥仗下嘶空勞致悃悃馬倒耆舊悲興廢煩曉論

德清縣誌

卷九

藝文志

三十

火龍挾之飛脫汝風塵污雲雷驅宵冥小致天人助
軒皇煉五兵此或是支庶誰竊陰符奇禽之制在烝

石池劍躍

黃帝游赤水象罔消息之家珍悵遺落採此摩尼珠
夜深龍女過持獻朱公祠吾聞英雄人塵惑紛自披
輝輝川色媚靜理夙所思奈何夸毗子溺影青蓮池

翠嶺馬回

石池穿何年云是龍眠處冰紋鏞古花拂拭凌空去
粲粲芙蓉鏑出沒會有數漁者本無心瞥與神物遇

一雙明月光柳浪搖參差咄哉擲吾寶拈花悟此奇

柳浪珠浮

師子座百千維摩空方丈廣狹豈殊觀高卑或同量
趾趾自相累罡風忽吹上元氣青茫茫何處判霄壤
四十萬里奇周尺吾安仗華峰一卷石皆納仙人掌
精薄山來飛五湖架蓬閭濁俗焉久畱松門白雲瀆

松嶠天梯

月泉

貢士 蔡啟份 邑人

石鬢分炤影鑿鬼半畱痕綆汲初鐘曉梁橫野渡昏

德清縣誌

卷九 藝文志

三十一

虎蹄交蘚跡僧梵出層軒唯此清流在捫碑爲濯源

餘不夜月

和郡侯韻

自占茗南最上流並移冰鑑稅龍湫臣清猶水一溪
白煙靜如民萬戶幽高鎖波光涵永夜遠連虹臥渡
平秋曉窓直欲覘雙闕分得餘輝炤滿樓

餘不夜月

蔡詒來 邑廩生

清溪遶城隈平原蔭桑柘山郭澹煙收月光逗巖罅
暝暝夜色沉湛湛溪流瀉參差橫荇藻掩映臨水榭
虹影碧波中人聲翠微下蕩漾涵虛明星光分激射

撫景滌塵勞矧茲值清暇仰矚吳羗峰緬焉高士駕
長嘯水雲間悠悠此良夜

弔沈烈婦

貢士
蔡啟儒 邑人

長謝朱鉛意不違八年抱影日頽頽背燈豈必從朝
哭撫枕惟知忍歲饑同氣異心甘疾首無家有母伴
支扉從今濯髮隨荷藻湘沅溪邊信所歸

贈沈儒一 并序

庶吉士
徐倬 邑人

儒一名鎔純邑人也隱居授徒力行紫陽之
教三吳學者多宗之

青松列群卉獨飽霜雪風人爲松嘆息青松不改容

德清縣誌

卷九 藝文志

三十二

時艱鮮安步德盛而屢空孔顏有至樂尋之豈無蹤
胡爲世俗士往來神憧憧達人能觀化君子貴固窮
不見采薇者浩歌明月中

顯晦當乘時喧寂不在境嚴遵市垂簾袁閎室如阱
豈是逃空虛其中有真靜先生講易壇湫隘難俄頃
曾無跼蹐容悠然天地永我欲凌三山輕舉乘風冷
茲理終荒唐猛然迴深省

此溪水獨清其餘則皆否古今溪上人坐令斯名負
齊梁妖冶場白骨化腐朽風吹滿路塵青山淨無垢

突兀織簾臺吳峯之右其下有東衡輝映相前後
千秋萬歲餘貞名君自取

嫁女詞 有序

蔡氏妹孀居近二十年遣女歸於吳余感其
孤嫠貧困艱辛百倍而婉婉柔順之道教女
有素爲之
賦嫁女詩

哺燕終離巢養女終辭孀
蔦蘿豈無根因依松栢長
時俗重婚嫁貧富各相當
富家嫁女易羅列紫鴛鴦
貧家嫁女艱牽犬出東廂
耀首飾明珠不如荆釵光
明珠來海底荆釵取路旁
道遠富能致物微貧難將

德清縣誌

卷九 藝文志

三十三

三更秉機杼五更織流黃
織成絲千縷一縷一迴腸
銀燈理刀尺裁爲羅襦裳
衣服穩稱體嘖嘖羨新粧
誰知絡緯聲夜夜啼寒螿
嬌女頭上花阿母鏡中霜
嬌女足下履阿母手內瘡
鹽豉克素簋詩書滿竹箱
執卷相夫子調羹奉姑嫜
堂前拜慈訓淚落幾千行
畱兒伴娘影兒去娘空房
牽衣還遶膝出戶更徬徨
此時母子意惻惻向河梁
河水深可測苦意密難量
孔雀徘徊飛驪馬躊躇鳴
嬌女升車去阿母迴中堂
中堂孤桐樹葉葉自低昂
蛺蝶飛相並芙蓉花蒂雙

獨有娶婦家百年歡未央

古松歌

餘不城北月泉寺長松千尺高無比根蟠黃土瘦蛟
奔枝撐白雲老鳳睡霜皮鐵幹勢擎雲千峰萬峰圍
空翠紫壁蒼崖隱臥龍孤根不受秦王封風吹時送
笙竽籟月照偏宜冰雪容我曾袒裼坐其下寒陰亭
午翬瀟灑狂來欲踞長松巔兩丸日月疑堪把嘆息
十年塵滿面鬢足荒郊淚如霰飛蓬飄泊究何依可
憐斷梗牛羊踐安得誅莠此松旁醉執松枝鞭赤電

德清縣誌

卷九

藝文志

三十四

松乎松乎爾有靈我言歷歷爾能聽身上青衫終黯
澹橋邊黃石亦窈冥唯願空山一草亭木柄長鑿掘
茯苓他年予志或不爾松乎松乎有如此

臨溪曲十首

溪如碧玉環舞袖飄紅雨子夜不聞聲曉烏啼霜樹
儂問住何處家住獨桑頭楊柳正當戶白雲時滿樓
溪流水活活舉網得魚肥沽酒呼隣叟採薪人未歸
古寺臨荒畝牛羊日下來白雲如有意長護織簾臺
木槿編成戶芙蓉花覆隄溪前浣紗女憎殺莎雞啼

醉抱琅玕簟長橋看月臥矇醺酒未醒不知明月墮
築邑臨溪水兼之跨小山城頭驅犢出城下采菱還
突兀吳羗山峰高不可攀山僧獨何意風雪長閉關
少伯洗劍池今人不敢臨寒潭一掬水照見英雄心
吳蠶候三眠吳婦長罷櫛持籠採桑歸西舍聞瑤瑟
入寺心尤遠尋幽地自偏直將松化石還以月爲泉
清濁關千古浮沉各一夫長懷元祐事片碣尚依然

坡公舊遊爲三月十一日元祐間事也

德清縣誌

卷九

藝文志

三十五

咏半月泉應教

徐元正

邑廩生

萬壑藏新月空亭落野泉半泓常不斷三五未曾圓
碧海分離後崑崙湧溜先金光浮瀲灩蟾蜍浴漪漣
境僻人誰到源深石易穿珠林開法乳玉斧出嬋娟
壁斷荆山璞弓彎太白弦皎兮思蕩子冽彼念前賢
素影浣花句藁砧破鏡篇未同河漢濶常共廣寒懸
團扇當秋掩菱花出靨偏味甘羞作醴性淡足安禪
源自支機至名隨希逸傳到來諸品靜一滌道心堅
梵語澄潭徹經聲小閣宣荒巖憐皓質寶液吐青蓮

已識楊枝水難瞻桂殿仙上方畱色相碧落任盤旋
靈藥無能竊銀瓶幾處牽清光分夜色寒氣接朝燿
坡老題詩曰曇僧卓錫年昔時畱勝蹟今日近桑田
草沒香臺路風淒碧瓦椽披雲尋斷碣捫石遠塵緣
絕壁藤蘿蔭深林鳥雀喧可知雲外賞誰補水中天
靈杖三秋渡霓裳一曲全瓊漿應已得雲路豈難前
不羨乘槎客隨流到日邊

餘不夜月

餘不溪頭燿樹平餘不溪上月華明溪城面臨青

德清縣誌

卷九

藝文志

三十六

嶂扁舟對月遙相望四圍山色影空濛一掬月痕波
宕漾宕漾波光織素紋空濛夜影接閒雲烏鵲天邊
飛不見白鷗沙際望難分沉沉碧落天如水長溪月
靜千門裏舟人夜宿語不聞水底潛鱗躍波起誰家
月出獨行吟醉倚溪濱深樹林試問人生幾見月但
看溪流成古今夜月溪流天未曙寂寞寒塘獨來去
一溪寒玉籠輕燿空記清謳採蓮處餘溪水更接前
溪子夜曾憐樂府題六代風流妙歌舞繞枝今聽夜
烏啼烏啼露濕霜華冷雉堞周遭橫素影畫角吹寒

度廢丘轆轤聲斷咽枯井明河桂影幾沉浮溪水悠
悠不載愁淒涼織女牽牛夜蕭瑟金風鴻鴈秋金風
鴻鴈年華變月浸寒溪澄匹練蕩子關山照鐵衣深
閨獨夜悲團扇溪流灩灩接平川皎皎長空孤月懸
有時蕩月乘舟去疑泛山陰雪夜船

慈相古松

貢士 金漸離
邑人

梵閣空山裏孤松倚碧岑寒聲千澗落雨色萬峰深
貝葉分青靄疎鐘度夕陰秦封如可並長護小祇林

半月泉

舉人 蔡詒穀
邑人

德清縣誌

卷九

藝文志

三十七

石磴懸初月花巖綴古泉釀新香更冽蟾漏影猶偏
細響通幽澗清光逗碧天昔賢多勝事遺跡至今傳

乾元絕頂

夏之章
邑廩生

問奇登最上曲徑白雲封半嶺分蒼樹雙溪映碧峰
花明春嶂雨風落暮煙鐘欲訪高人宅荒臺未可逢

清溪漁歌

章金奏
邑庠生

溪流橫溢萬魚集漁舟上下翻騰急黑雲亂捲黃金
條登龜取鼃伐老蛟驚濤寂然天一色鯨鯢已盡滄
浪碧魴鱖沿流鯤鮪生錦鱗游泳餘不清水檻芳樽

還憶舊年年風雨對江城

野橋

沈宗元

邑廬生

濠上儵魚樂石梁瀑布新何如野橋雪恍見武陵春
曲澗虹朝飲危闌虎夜蹲上方雖咫尺到此坐逡巡

咏慈相古松

徐尚綸

邑庠生

陰崖時嘯鵲老樹欲吞虹黛色千山翠濤聲半壑鐘
名原收禹貢意實傲秦封但使逢黃石何難問赤松

紀災農謠

漕運游擊

王武臣

湖廣人

嘻嗟西吳稻將登場不幸飛蟲爲稻之殃農也撫稻

德清縣誌

卷九

藝文志

三十八

而悲如考妣喪農謂庚戌辛亥水旱災荒壬子仲秋
禾幸穰穰豐兆嘉祥詎知風雨連夕雨後恠蠶降自
上蒼蠶之形如蠅如蜚輕細如芒其額方其喙長肉
眼金光白羽飛揚身青生六足二足抱禾四足徬徨
饑則食稻飽則跳梁或陟其顛或墮于潢非螟非螽
非蝻賊亦非蝗始扼稻之莖繼吸稻之漿稻萎色黃
如啄我腸啄我腸飲我血血盡髓枯愁聲咽路路哀
號天地徹幸我有范父請蠲請賑憂軍國幸我有范
母肝腸心血已枯竭父母乎劬勞幾載救西吳施未

施粥勝醍醐

登古乾元

鷲嶂留塵外松杉暎夕光
天空聞鳥語雲伴結僧房
水遶孤巖出煙回一徑涼
石床聊假寐夢覺白蓮香

金鰲秋月

補入

吳江

巨鰲輸靈氣化作金芙蓉
商音蕩八垠灝氣彌昊穹
望野如有情涼影時相從
鱗甲耀精明光彩應誰同
聳身一放遊廣寒豈天宮

玉塵晴雲

德清縣誌

卷九

藝文志

三十九

坤靈毓清秀玉塵奠佳境
素色如可餐盤旋勢高迥
晴空張綵綃輝暎發清炯
形迹不可拘葱蒼忽翕矇
造化苦好奇畱心幻斯景

月泉桂影

靜泉石根出漸流聲不潺
畱此皎月痕半鏡開冰奩
桂樹鎮常存倒影印清淵
蟾蜍迹月宮習靜水底眠
汲深動我興賁茗消塵緣

野橋梅雪

闢徑經北闌橫溪駕鰲背
滕六弄餘閑羅浮傳遠派

仙妃謫九關一清了無賽灞陵寧遠求縱眼卽眞界
養成枝頭酸滋味供鼎鼐

羗山過雨

混沌旣已鑿山川各流形吳羗枕深溪自以人得名
兩儀有闔闢天地互晦明長風掃陰雲蒼翠含餘清
奔雷撼天門走瀨增繁聲

石壁歸樵

翠巘拔天起土潤草木肥巘椒有若人斤斧鎮日隨
手持伐木柯不俟秋霜霏煙光忽凝紫西背畱餘輝

德清縣誌

卷九

藝文志

四十

生意一肩擔紆徑眼欲迷

乾元曉鐘

天雞纔一鳴暘谷未放赤乾元一氣先萬物仰昭則
銅龍吼翠微警此群動息高聲徹九天飛響振玄寂
明發功不凡分陰人競惜

龜溪夕照

洛書已昭瑞神龜復周遊就此深碧溪回頭兆封侯
暘烏苦西奔刷羽咸池流輝鮮絢五綵飛影來相投
驚起臥龍吟百恠時沉浮

卽事

宋盧秉

青衫白髮老參軍
旋糶黃糧買酒樽
但得有錢留客醉
也勝騎馬傷人門

十月都門尚薄衣
夜砧聲裏雁南飛
野人不羨長安

樂且趁鱸魚一飽歸

盧經畧治平初爲開封府倉椽作二詩王半山見之嗟賞不已且書於屏戶團扇間其曾孫哲刻於永豐尉廡誌藝文時以不關清邑偶遺公忽見夢於友人欲登此詩故併錄於

吳羗山

貢士
章金牧 邑人

處士今何在
南山水上臨
市橋連嶂起
燈火射溪深

德清縣誌

卷九 藝文志

四十一

世事天涯恨
浮雲異代心
高鴻飛已盡
矯首對空林

德清縣誌卷之九 終